



UNIVERSITÄTS-  
BIBLIOTHEK  
PADERBORN

**R. P. Christiani Mayer E Societate Iesv, Diarivm  
Meditationvm, De Præcipvis Vitæ Christi mysteriis**

**Mayer, Christian**

**Coloniæ Agrippinæ, 1635**

14. De actibus, & mediis gaudii spiritualis

---

[urn:nbn:de:hbz:466:1-60091](#)

nox; in ipsa perransibunt omnes bestia syl-  
ua. 3. Quod in operibus arduis & la-  
boriosis faciendis minuat laborem &  
tedium, & in ijsdem hilari animo fa-  
ctis duplacet meritum, augeat præmi-  
um, mireque insuper ædificet proxi-  
mum, cum inhabitantis gratiæ Spiri-  
tus sancti sit maximum signum. Quan-  
to ergo desiderio anhelandum, quan-  
to studio ad hoc spirituale mentis gau-  
dium connitendum, quod Deus tam  
ardenter desiderat, quod nobis, proxi-  
misque tanta bona conciliat! Zelus  
proficiendi in hoc sancto gaudio.

*De actibus & medijs gaudij spi-  
ritualis.*

XIV.

I. **E**xpende quinam sint præcipui,  
& quomodo perfectè exercendi  
actus interni gaudij spiritualis, qua-  
les sunt 1. Gaudere de incomprehen-  
sibili Dei vnius in essentia, tñni in  
personis excellentia & Maiestate, de  
perfectionibus eius, infinitè perfectis,  
immensitate, æternitate, infinitate,  
potentia, sapientia, bonitate, iustitia,  
misericordia, quæ re idem cum ipso  
sunt; de inæstimabili eius beatitudine,  
qua se infinitè comprehendit, amat,  
Eee 3 seipso

seipso fruitur ; de infinita amabilitate & gloria , quod à nullis creaturis possit dignè amari & glorificari : hæc omnia illi cum exultatione fauendo , & si per impossibile non haberet, optando : de omni insuper laude, gloria, omnibusq; obsequijs à sanctissima Christi humanitate , B. Virgine , omnibus Sanctis ipsi exhibitis , exhibendis , & exhiberi possilibus : hæc similiter illi fauendo , & plura & maiora ipsi optando , & pro virili procurare desiderando . 2. Gaudere de omnibus prerogatiis naturæ , gratiæ , gloriæ sanctissimæ humanitati Christi , B. eius Matri , beatis comprehensoribus , præ destinatis viatoribus omnibus , & nobis unquam collatis & conferendis , & de omni gloria inde in Deum redundante , & porrò redundatura : hæc similiter cum exultatione illis charismata , Deo gloriam & obsequia ab iisdem praestita cum exultatione fauendo , & ampliora exoptando . 3. Similiter gaudere de omnibus iustissimis diuinæ prouidentiæ circa nos , omnes , & omnia , iudicij , decretis , ordinationibus & permissionibus quibuscumque , & cum gaudio velle , desiderare ac proponere in omnibus præceptis ,

ceptis, conflijs, inspirationibus eius  
sanctissimam adimplere voluntatem.  
Quanto cum merito hi gaudij affectus  
possint elici circa omnia praedicta ob-  
iecta, ex *sincera intentione honoris &*  
*obsequij Dei*: summe *intenso beneuo-*  
*lentiæ, amoris, zeli gloriae eius, imo*  
*omni possibili affectu*: *Constantissime*  
*in omni rerum & temporum vicissitu-*  
*dine, in tempore & æternitate*: *cum*  
*infatibili demum desiderio perfectius*  
*hos affectus frequentandi in æternum*:  
& *vltra. Quam præclarè eos B. Virgo,*  
& Christus ipse tota vita *continuat*  
*rit, & nunc cum Beatis omnibus con-*  
*tinuent æternum?* His consideratis  
elice prolixius hos modo praedicto af-  
fectus.

II. *Quinam actus externi sint huius*  
*gaudij, & quomodo exercendi.* 1. *Vero*  
*bo, vultu, facto ipso hos internos gau-*  
*dij de bonis Dei, de bonis nobis, pro-*  
*ximisque à Deo collatis & conferen-*  
*dis, & de omni diuino beneplacito af-*  
*fectus pro re nata demonstrare.* 2. *O-*  
*mnes diuinam gloriam propagandi,*  
*propriam proximorumque perfectio-*  
*nem, gratiam, gloriamque augen-*  
*di occasiones promptè hilariterque*  
*quærere & acceptare, omnes ad hunc*

fīce 4

finem

finem labores, & molestias subenadas  
vltrō apperere. 3. Gaudenter omnia  
tam aduersa quām prospera de manu  
Dei acceptare, in omnibus diuinę eius  
prudentiæ acquiescere, re ipsa diui-  
næ voluntati in omnibus, quę ipsi gra-  
ta esse cognoscuntur cum lætitia ob-  
temperare, nulla re aduersa tristari ex-  
cepta culpa, & de hac ipsa non inordi-  
natè, sed cum spe veniæ & emenda-  
tionis, illæsa mentis lætitia. Hi actus  
quanto quoq; cum merito possint v-  
surpari, si cum sancto illo cordis gau-  
dio, cum pura intentione diuinæ glo-  
riæ, & inexplibili Deo perfectius pla-  
cendi, & in omnibus promptè gratifi-  
candi desiderio exerceantur, exemplo  
Christi, B. Virginis & Sanctorum Deo  
in lætitia exactè seruientium. Zelus  
hos externos gaudij actus perfectè  
frequentandi.

III. Media ad hoc optatum cordis  
gaudium pertingendi, quorum r̄ sit:  
Conari remouere omnia impedimen-  
ta spiritualis lætitiae, & radices tristi-  
tiæ, vti sunt: incuria & negligentia in  
cauendis peccatis, & defectibus ma-  
gis voluntarijs, in extirpandis viriolis  
habitibus, in mortificandis passioni-  
bus & inordinatis affectionibus erga

crea-

creaturas. vbi enim non est conscientia puritas, non potest esse vera mentis serenitas, iuxta illud Isaiae : *Impy Isa. 57.*  
*quasi mare feruens, quod quiescere non potest, & redundant fluctus eius in concuscationem & lutum, non est pax impyis, dicit Dominus.* Et illud Apostoli : *Tribulatio Rom. 2.*  
*& angustia in omnem animam hominis operantis malum.* 2. Assiduum studium in soliditate virtutum & omnimo da perfectione seriò proficiendi. quod insinuat Psalmista : *Pax multa diligentibus Psal. 118.*  
*legē tuam. Et Apostoli: Gloria & honor, Rom. 2.*  
*& pax omni operanti bonū. Et D. Bernardus: Vis nunquā esse tristū: benè viue. Nā De int.*  
*bona vita semper gaudium habet.* 3. Feruor Dom. uens conatus proficiendi in sapida cō-  
*gnitione Dei, diuinorum attributorum, beneficiorum, præmiorum, pro-*  
*missionū: in perfecta dilectione Dei,*  
*& resignatione sui ad nutum eius di-*  
*uini beneplaciti. His medijs constan-*  
*ter uti est maximum compendium ad*  
*verum cordis gaudium. Feruor hæc*  
*media feruenter adhibendi.*

XV.

*De Natura, conditionibus, & gradibus*  
*perfectæ resignationis.*

I. *E*xpende in quo consistat exercitium absolutæ resignationis, seu  
Eee 5 vo-